



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-04-2-1704-23/25

Datum: 06.05.2026. godine

Na osnovu člana 8. Zakona o ministarskim, vladinim i drugim imenovanjima FBiH ("Službene novine FBiH" broj: 12/03, 34/03 i 65/13), člana 13. Odluke o utvrđivanju standarda, kriterija, postupku izbora i imenovanja na upražnjene pozicije u regulirane organe Općine Tešanj ("Službeni glasnik Općine Tešanj" broj 3/23) i člana 30. Statuta Općine Tešanj ("Službeni glasnik Općine Tešanj" broj: 11/07), Općinski načelnik objavljuje

**JAVNI OGLAS
za izbor i imenovanje kandidata za članove
Nadzornog odbora
JP "RAD" d.d. Tešanj**

I Naziv pozicije

Nadzorni odbor - 2 (dva) člana nadzornog odbora na period od četiri godine.

II Opis pozicije:

Nadzorni odbor društva ima sljedeće nadležnosti:

- nadzire poslovanje preduzeća;
- priprema poslovnike i predlaže ih skupštini;
- priprema etički kodeks i predlaže ga skupštini;
- vrši izbor kandidata odbora za reviziju i podnosi prijedlog za njegovo imenovanje Skupštini;
- razmatra provedbeni propis za postupak nabavki i nadzire njegovo provođenje;
- daje mišljenje skupštini o prijedlogu uprave za raspodjelu dobiti;
- daje mišljenje općinskom vijeću o prijedlogu uprave za tarifni sistem komunalnih usluga;
- predlaže način pokrića gubitaka;
- bira, imenuje i razrješava članove uprave na osnovu javnog konkursa;
- daje ovlaštenja za aktivnosti koje su ograničene propisima Zakona o javnim preduzećima;
- daje upute direktoru za provođenje preporuka u vezi sa uočenim nepravilnostima;
- usvaja izvještaj uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem revizije;
- podnosi skupštini godišnji izvještaj o poslovanju preduzeća, koji obavezno uključuje izvještaj revizora, izvještaj o radu Nadzornog odbora i odbora za reviziju, i plan poslovanja za narednu poslovnu godinu u okvirima postojećeg plana i revidiranog plana;
- odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine dioničkog društva po bilansu stanja na kraju prethodne godine;
- saziva skupštinu javnog preduzeća;
- odobrava emisiju novih dionica postojeće klase u iznosu do trećine zbira nominalne vrijednosti postojećih dionica i određuje iznos, vrijeme prodaje i cijenu ovih dionica koja ne može biti manja od prosječne tržišne vrijednosti postojećih dionica iste klase u 30 uzastopnih dana prije dana donošenja odluke;

- nadzire Upravu u provođenju preporuka datih od strane Odbora za reviziju te vanjskog revizora sa specificiranim rokovima;
- sistematski nadzor nad poslovanjem i zakonitošću poslovanja javnog preduzeća;
- redovno izvještavanje skupštine javnog preduzeća o svom radu;
- davanje instrukcija organima preduzeća radi otklanjanja nepravilnosti u radu;
- prisustvovanje sjednicama skupštine javnog preduzeća i učešće u raspravi bez prava glasa;
- pregled poslovnih knjiga i dokumentacije javnog preduzeća;
- drugi poslovi predviđeni zakonom;
- bira predsjednika nadzornog odbora;
- bira sekretara društva;
- predlaže skupštini kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine dioničkog društva po bilansu stanja na kraju prethodne godine,
- nadzire rad uprave, te odobrava odluke strateškog karaktera.

III Kandidat za nominovanje/imenovanje mora ispunjavati sljedeće opće uslove:

1. da je državljanin Bosne i Hercegovine;
2. da je stariji od 18 godina;
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja ovog javnog oglasa;
4. da nije pod optužnicom Međunarodnog suda za ratne zločine u bivšoj Jugoslaviji (član IX. 1 Ustava Bosne i Hercegovine);
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH ;
6. da nije član zakonodavne, izvršne ili sudske vlasti ili savjetniku u smislu Zakona o sukobu interesa u institucijama vlasti Bosne i Hercegovine;
7. da nema privatni finansijski interes u reguliranom organu u koji se kandiduje;
8. da nije osuđivan za krivično djelo nespojivo sa imenovanjem na dužnost u reguliranom organu u koji se kandiduje, pet godina od dana pravosnažnosti presude, isključujući vrijeme zatvorske kazne;
9. da mu nije izrečena zaštitna mjera zabrane obavljanja aktivnosti tri godine nakon isteka vremenskog perioda trajanja izrečene zaštitne mjere.

IV Kandidat za nominovanje/imenovanje mora ispunjavati pored općih uslova i posebne uslove:

1. VSS VII stepen stručne spreme, dokaz o završenom visokom obrazovanju prvog, drugog ili trećeg ciklusa Bolonjskog sistema studiranja (sa najmanje 180 ECTS bodova) tehničkog, ekonomskog, pravnog ili nekog drugog društvenog smjera ili VŠS;
2. Najmanje tri (3) godine radnog iskustva nakon sticanja visoke stručne spreme, odnosno pet (5) godina nakon sticanja VŠS;
3. da nije član nadzornog ili upravnog odbora, odnosno odbora za reviziju nekog javnog privrednog društva ili institucije;
4. komunikacijske i organizatorske sposobnosti (cijene se na intervju-u);
5. sposobnost tumačenja propisa iz oblasti za koju je regulirani organ osnovan (cijeni se na intervju-u)
6. sposobnost upravljanja finansijskim i ljudskim resursima (cijeni se na intervju-u).
7. da posjeduje Certifikat o završenom usavršavanju izdat od strane nadležnog organa u skladu sa Uredbom o usavršavanju predsjednika i članova nadzornih odobara i uprava privrednih društava sa učešćem državnog kapitala Vlade Federacije BiH (“Službene novine FBiH”, br. 71/09, 33/10,

23/11, 83/11, 2/13, 80/13, 48/15, 60/16 i 88/17 i 19/22) ili izjavu ovjerenu kod nadležnog organa da će u roku šest mjeseci od dana imenovanja proći stručno usavršavanje i steći certifikat.

V Za prijavu na javni oglas kandidat je dužan dostaviti sljedeću dokumentaciju (original ili ovjerenu kopiju):

1. prijavu sa biografijom, adresom i kontakt telefonom;
2. uvjerenje o državljanstvu (ne starije od šest mjeseci);
3. fotokopiju lične karte;
4. ovjerenu izjavu da ispunjava opće uslove pod rednim brojem: 3., 4., 5., 6. i 7. i posebne uslove pod rednim brojem 3. (obrazac izjave može se preuzeti na šalteru Općine);
5. dokaz o stručnoj spremi;
6. dokaz o radnom iskustvu;
7. certifikat o završenom usavršavanju shodno Uredbi o usavršavanju predsjednika i članova nadzornih odbora i uprava privrednih društava sa većinskim učešćem državnog kapitala ili izjavu da će u roku od šest mjeseci od dana imenovanja proći stručno usavršavanje i steći certifikat.

Prijavu na oglas i sve tražene dokumente treba dostaviti u roku od 15 dana od objave javnog oglasa u „Službenim novinama FBiH“ lično ili poštom na adresu:

OPĆINA TEŠANJ
Trg Alije Izetbegovića br.1
74260 Tešanj

sa naznakom:

KOMISIJA ZA IZBOR
“Prijave za izbor i imenovanje kandidata za članove
Nadzornog odbora
JP “RAD” d.d. Tešanj”

Sa kandidatima koji budu ispunjavali sve potrebne uslove bit će obavljen intervju.

Podnosilac prijave sa kojim je nemoguće stupiti u kontakt u roku od 8 dana od dana isteka roka za podnošenje prijave, neće biti uzet u razmatranje u daljem procesu imenovanja.

Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka (“Službeni glasnik BiH”, broj: 12/25). Za provođenje procedure Općinski Načelnik u skladu sa ovlaštenjima iz člana 13. Odluke o utvrđivanju standarda, kriterija, postupku izbora i imenovanja na upražnjene pozicije u regulirane organe Općine Tešanj imenuje Komisiju za izbor koja je dužna nakon izvršenog intervju-a sa prijavljenim kandidatima, putem pisane preporuke, predložiti rang listu sa najboljim kandidatima Općinskom načelniku na postupak u skladu sa članom 12. Zakona o ministarskim, vladinim i drugim imenovanjima FBiH, a konačno imenovanje članova nadzornog odbora, nakon potvrde Općinskog vijeća Tešanj, izvršit će skupština javnog preduzeća.

Kandidat koji bude izabran dužan je u roku od 8 (osam) dana dostaviti:

- uvjerenje da nije osuđivan za krivično djelo nespojivo sa imenovanjem na dužnost u reguliranom organu u koji se kandiduje, pet godina od dana pravosnažnosti presude, isključujući vrijeme zatvorske kazne;
- uvjerenje da mu nije izrečena zaštitna mjera zabrane obavljanja aktivnosti tri godine nakon isteka vremenskog perioda trajanja izrečene zaštitne mjere.

Svi kandidati koji budu izabrani imaju pravo na novčanu naknadu za svoj rad u nadzornom odboru, koju Odlukom određuje Općinsko vijeće.

Nepotpune, neblagovremene i neuredne prijave neće se uzeti u razmatranje.

Javni oglas će biti objavljen u "Službenim novinama FBiH", dnevnom listu "Oslobođenje" i na web stranici Općine Tešanj. Općina Tešanj zadržava pravo da poništi javni oglas u svakom trenutku provođenja procedure.

Dostavljeno:

1. „Službene novine Federacije BiH“,
2. „Oslobođenje“,
3. web stranica Općine Tešanj,
4. a/a.



OPĆINSKI NAČELNIK

Mr. sci. Suad Huskić